

**KJKP „VODOVOD I KANALIZACIJA“ d.o.o. SARAJEVO**  
**v.d. DIREKTOR**  
**Izvod broj : 135/20**

Sarajevo, 26.02.2021. godine

Na osnovu člana 64. stav 1. tačka b), člana 70. stav 1. 3. i 6. Zakona o javnim nabavkama (Sl. glasnik BiH br. 39/14), člana 27. Pravilnika o nabavci roba, vršenju usluga i ustupanju radova KJKP „Vodovod i kanalizacija“ d.o.o. Sarajevo, te člana 41. Statuta preduzeća, na preporuku Komisije za javnu nabavku broj 135/20 od 11.02.2021. godine, u postupku javne nabavke br. 135/20 „Otprema pismonosnih pošiljki unutar BiH“ donosi se :

**O D L U K A**  
o izboru najpovoljnijeg ponuđača

**Član 1.**

Prihvata se preporuka Komisije za javne nabavke o izboru najpovoljnijeg ponuđača broj 135/20 od 11.02.2021. godine i ugovor za javnu nabavku usluga : „**Otprema pismonosnih pošiljki unutar BiH**“ – tender broj 135/20 dodjeljuje se ponuđaču: **JP „BH POŠTA“ d.o.o. Sarajevo, ponuda broj: 263/21 od 20.01.2021. godine**, za ponuđenu cijenu od **35.394,00 KM bez PDV-a**, kao najbolje ocijenjenom.

**Član 2.**

Ova odluka objavit će se na web stanici [www.viksa.ba](http://www.viksa.ba) istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

**Član 3.**

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

**O b r a z l o Ź e n j e**

Postupak javne nabavke pokrenut je Odlukom o pokretanju postupka javne nabavke izvod broj : 135/20 od 29.12.2020. godine.

Javna nabavka je provedena putem otvorenog postupka nabavke.

Procijenjena vrijednost javne nabavke bez PDV-a iznosi : 50.000,00 KM.

Obavještenje o nabavci broj: 247-1-2-3-3-3/21 poslato je na objavljivanje na Portal javnih nabavki dana 04.01.2021. godine, a sažetak obavještenja o nabavci je objavljen u Sl. glasniku BiH broj 1. od 08.01.2021. godine.

Komisija za javnu nabavku imenovana je Rješenjem br. 50/20 od 25.06.2020. godine i dopunskim Rješenjem za promjenjive članove komisije br. 135/20-1 od 29.12.2020. godine.

Komisija za javnu nabavku dostavila je dana 15.02.2021.g. Preporuku o izboru najpovoljnijeg ponuđača broj 135/20 u postupku javne nabavke usluga: „Otprema pismonosnih pošiljki unutar BiH“ - tender broj 135/20.

Komisija za javnu nabavku je sačinila odgovarajuće zapisnike u kojima je utvrđeno sljedeće:

- Da je ukupan broj pristiglih ponuda: 2 (dvije) ponude – JP „BH POŠTA“ d.o.o. Sarajevo i „Euro-Express“ d.o.o. Banja Luka;
- Da je blagovremeno zaprimljeno: 2 (dvije) ponude – JP „BH POŠTA“ d.o.o. Sarajevo i „Euro-Express“ d.o.o. Banja Luka;
- Da nije bilo neblagovremeno zaprimljenih ponuda.

Komisija je utvrdila da dostavljene ponude ponuđača JP „BH POŠTA“ d.o.o. Sarajevo i „Euro-Express“ d.o.o. Banja Luka ispunjavaju zahtjevane tenderske uslove prema obliku i potpunosti u smislu pripreme ponude.

Pregledom ponuda koje su zadovoljile uslove u formalnom smislu, Komisija je pristupila analizi dokumentacije priložene uz ponude u smislu provjere kvalifikacije ponuđača, obzirom na iskazane zahtjeve ugovornog organa u tenderskoj dokumentaciji i konstatovala sljedeće:

R. br.	Zahtjevana kvalifikaciona dokumentacija	Ponuđači	
		JP „BH POŠTA“ d.o.o. Sarajevo	„Euro-Express“ d.o.o. Banja Luka
1.	<b>Tačka: 13 TD:</b> Izjava o ispunjenosti uslova iz člana 45. stav (1) tačaka od a) do d) Zakona o javnim nabavkama – Aneks IV; Prilog 3.	DA	Nije u skladu sa zahtjevima iz TD
2.	<b>Tačka: 14.1. TD:</b> Izjava o ispunjenosti uslova iz člana 47. st. (1) tačka a) i (4) Zakona o javnim nabavkama – Aneks V; Prilog 4.	DA	DA
2.1.	<b>Tačka: 14.1. TD:</b> Potvrda banke o aktivnosti transakcijskog računa koja nije starija od tri mjeseca računajući od dana dostavljanja ponude	DA	DA
3.	<b>Tačka: 14.2. TD:</b> Ponuđač je dužan u svhu dokazivanja tehničke i profesionalne sposobnosti ispuniti sljedeće minimalne uslove : a) da ima uredno izvršen jedan ugovor, čiji je predmet isti ili sličan kao što je predmet nabavke u minimalnom iznosu od 50.000,00 KM bez PDV-a, za period ne duži od 3 (tri) godine ili od datuma registracije, odnosno početka poslovanja, ako je ponuđač registrovan odnosno počeo sa radom prije manje od tri godine. Pod sličnim ugovorom smatraju se univerzalne poštanske usluge odnosno rezervisane poštanske usluge u unutrašnjem i međunarodnom saobraćaju koje obuhvataju prijem, otpremu, prevoz, prispjeće i uručenje pismonosnih pošiljki: -pismonosne pošiljke do 1.000 gr -paketski pošiljki do 10 kg -poštanskih i telegrafskih uputnica -direktne pošte -kurirske usluge,ukoliko iznos tarife nije deset puta veći od obične tarife -preporučeni i vrijednosni pošiljki, bez obzira na težinu -sudskih pisama, pisama u upravnom i prekršajnom postupku, bez obzira na težinu  Napomena: Ponuđači su dužni kumulativno ispuniti oba postavljena uslova odnosno dužni su dokazati da su uredno realizovali jedan ugovor čiji je predmet isti ili sličan kao što je predmet nabavke u minimalnom iznosu: 50.000,00 KM bez PDV-a, za period ne duži od 3 (tri) godine ili od datuma registracije, odnosno početka poslovanja, ako je ponuđač registriran, odnosno počeo sa radom prije manje od tri godine.	DA	DA

R. br.	Zahtjevana kvalifikaciona dokumentacija	Ponudāči	
		JP „BH POŠTA“ d.o.o. Sarajevo	„Euro-Express“ d.o.o. Banja Luka
	<p>U svrhu dokazivanja gore navedenog uslova pod tačkom a) potrebno je dostaviti:</p> <ul style="list-style-type: none"> <li>- Spisak izvršenih ugovora u skladu sa članom 48. stav 2. ZJN, koji je u vezi sa predmetom nabavke, za period ne duži od 3 (tri) godine ili od datuma registracije, odnosno početka poslovanja, ako je ponudāč registrovan odnosno počeo sa radom prije manje od tri godine, koji sačinjava sam ponudāč, na svom poslovnom papiru/memorandumu, i</li> <li>- Potvrda koju daje druga ugovorna strana o realizaciji ugovora. U slučaju da se takva potvrda iz objektivnih razloga ne može dobiti od ugovorne strane koja nije ugovorni organ, vrijedi izjava privrednog subjekta o uredno izvršenim ugovorima, uz predočavanje dokaza o učinjenim pokušajima da se takva potvrda osigura.</li> </ul>		
4.	<p><b>Tačka 14.3 TD:</b> Original ili ovjerena fotokopija Aktuelnog izvoda iz sudskog registra ovjerenu od strane nadležnog organa – (Sud, Opština ili notar) ili Rješenja o registraciji ili ekvivalent odgovarajućeg dokumenta, koji nije stariji od tri mjeseca od dana izdavanja, a računajući od dana predaje ponude (Član 46. ZJN BiH), kojim se dokazuje da ponudāč ima pravo na obavljanje profesionalne djelatnosti i/ili da je registrovan u relevantnim profesionalnim ili drugim registrima zemlje u kojoj je registrovan ili da osigura posebnu izjavu ili potvrdu nadležnog organa kojom se dokazuje pravo da obavlja profesionalnu djelatnost, koja je u vezi sa predmetom nabavke.</p>	DA	DA

Kao dokaz za ispunjavanje kvalifikacionih uslova u okviru tačke 14.2 tenderske dokumentacije zahtjevano je slijedeće: - Spisak izvršenih ugovora u skladu sa članom 48. stav 2. ZJN, koji je u vezi sa predmetom nabavke, za period ne duži od 3 (tri) godine ili od datuma registracije, odnosno početka poslovanja, ako je ponudāč registrovan odnosno počeo sa radom prije manje od tri godine, koji sačinjava sam ponudāč, na svom poslovnom papiru/memorandumu, i

- Potvrda koju daje druga ugovorna strana o realizaciji ugovora. U slučaju da se takva potvrda iz objektivnih razloga ne može dobiti od ugovorne strane koja nije ugovorni organ, vrijedi izjava privrednog subjekta o uredno izvršenim ugovorima, uz predočavanje dokaza o učinjenim pokušajima da se takva potvrda osigura.

**Ponudāč JP „BH POŠTA“ d.o.o. Sarajevo** je ponudi kao dokaz iz tačke 14.2 pod a) dostavio slijedeće:

- potvrda o uspješnoj realizaciji ugovora izdata od strane Ustavni Sud BiH dana 12.01.2021. godine. Vrijednost okvirnog sporazuma iznosi 63.000,00 KM bez PDV-a. Period realizacije ugovora od 09.09.2019. godine do 09.09.2020. godine u iznosu od 50.257,48 KM.

**Ponudāč „Euro-Express“ d.o.o. Banja Luka** je ponudi kao dokaz iz tačke 14.2 pod a) dostavio slijedeće:

- potvrda izdata od strane Sim Impex d.o.o. Banja Luka dana 22.01.2021. godine. Vrijednost ugovora iznosi 58.500,00 KM sa PDV-om. Period realizacije ugovora 01.01.2020.-31.12.2020. godine.

Ponudač JP„BH POŠTA“ d.o.o. Sarajevo u dostavljenim Izjavama iz čl. 45. i 47. ZJN nije naveo broj Službenog glasnika BiH.

Komisija je stava da nepopunjavanje broja Službenog glasnika BiH u navedenim izjavama u konkretnoj nabavci ne predstavlja nedostatak zbog kojeg bi ponuda trebala biti odbačena jer se iz sadržaja izjava nesporno utvrđuje da se iste odnose na predmetni postupak nabavke, te su iste uredno potpisane i ovjerene, a također je upisan tačan naziv predmeta nabavke, broj obavještenja, vrsta postupka nabavke kao i naziv ugovornog organa.

Pregledom ponude ponuđača „Euro-Express“ d.o.o. Banja Luka, komisija za javne nabavke je konstatovala da dostavljeni dokument: Izjava o ispunjenosti uslova iz člana 45. stav (1) tačkaka od a) do d) Zakona o javnim nabavkama – Aneks IV; Prilog 3., propustio da ovjeri Izjavu od strane nadležnog organa a što je isti bio obavezan postupiti u skladu sa članom 45. stav (4) ZJN i prema zahtjevima iz tačke 13. tenderske dokumentacije.

Članom 45. stav (4) Zakona o javnim nabavkama („Službeni glasnik BiH“, br. 39/14) propisano je da kandidat/ponuđač dužan da, u svrhu dokaza o ispunjavanju uslova iz stava (1) ovog člana, dostavi izjavu ovjerenu kod nadležnog organa, u formi i na način koji propisuje Agencija podzakonskim aktom.

Tačkom 13. tenderske dokumentacije je definisano slijedeće: Ponuđač, u svrhu dokaza o ispunjavanju prethodnih uslova lične sposobnosti (član 45. stav (1) Zakona), dužan je **u ponudi dostaviti izjavu ovjerenu kod nadležnog organa** (Sud, Opština ili notar), u formi i na način koji propisuje Agencija za javne nabavke. Obrazac Izjave o ispunjenosti uslova iz člana 45. stav (1) tač. a) do d) Zakona, propisan od strane Agencije za javne nabavke, sastavni je dio ove tenderske dokumentacije i dat je u prilogu tenderske dokumentacije (Aneks IV, Prilog 3.).

Također, ponuđač je isti propust izvršio i u Izjavi o ispunjenosti uslova iz člana 52. ZJN.

Shodno navedenom, ponuda ponuđača „Euro-Express“ d.o.o. Banja Luka ne ispunjava zahtjeve Ugovornog organa koji su traženi tenderskom dokumentacijom, te se ista u skladu sa odredbama člana 68. stav (4) pod i) Zakona o javnim nabavkama odbacuje kao neprihvatljiva i ista nije predmet daljeg razmatranja.

Komisija konstatuje da ponuđač JP„BH POŠTA“ d.o.o. Sarajevo ispunjava kvalifikacione uslove, obzirom na iskazane zahtjeve ugovornog organa u tenderskoj dokumentaciji.

Pregledom ostale zahtijevane dokumentacije/aneksa-priloga, konstatovano je slijedeće:

R. br.	Ostala zahtijevana dokumentacija/aneksi-prilozi	Ponuđač
		JP „BH POŠTA“ d.o.o. Sarajevo
1.	<b>Tačka: 15 TD:</b> Pismena izjava ponuđača iz člana 52. Zakona o javnim nabavkama – Aneks VIII; Prilog 5.	DA
2.	<b>Tačka: 16.TD pod 1:</b> Obrazac za ponudu – Aneks II; Prilog 1.	DA
2.1	<b>Tačka: 16.TD pod 1.1.:</b> Popis dokumenata uz ponudu koji čini sadržaj ponude – Aneks II; Prilog 1	DA
3.	<b>Tačka: 20 TD:</b> Obrazac za cijenu ponude – Aneks III; Prilog 2	DA
4.	<b>Tačka 31 i 36 TD:</b> Nacrt okvirnog sporazuma – Prilog 7.	DA
5.	<b>Tačka: 31 i 37 TD:</b> Nacrt ugovora o javnoj nabavci – Prilog 8.	DA

R. br.	Ostala zahtjevana dokumentacija/aneksi-prilozi	Ponudač
		JP „BH POŠTA“ d.o.o. Sarajevo
6.	Tačka: 43 TD: Povjerljive informacije – Prilog 6.	DA

Ponudač JP „BH POŠTA“ d.o.o. Sarajevo u dostavljenoj izjavi iz čl. 52. ZJN nije naveo broj Službenog glasnika BiH.

Komisija je stava da nepopunjavanje broja Službenog glasnika BiH u navedenoj izjavi u konkretnoj nabavci ne predstavlja nedostatak zbog kojeg bi ponuda trebala biti odbačena jer se iz sadržaja izjave nesporno utvrđuje da se ista odnosi na predmetni postupak nabavke, te je ista uredno potpisana i ovjerena, a također je upisan tačan naziv predmeta nabavke, broj obavještenja, vrsta postupka nabavke kao i naziv ugovornog organa.

Komisija konstatuje da je ponudač JP „BH POŠTA“ d.o.o. Sarajevo dostavio ostalu zahtijevanu dokumentaciju kako je navedeno u tabelarnom prikazu, te je od strane stručnih lica za predmetnu nabavku konstatovano da je navedeni ponuđači ispunio sve postavljene tehničke zahtjeve, zahtjeve u pogledu opisa predmeta nabavke i tehničke specifikacije.

Također je konstatovano da je ponuda ponuđača JP „BH POŠTA“ d.o.o. Sarajevo potpisana od strane podnosioca ponude i ovjerena pečatom ponuđača, te ima broj i datum.

Pojašnjenje u smislu čl. 68. stav (3) ZJN, a koji se odnosi na pojašnjenje dokumenata koje su dostavili u skladu sa čl. 45. do 51. ovog zakona ili da dostave originalne dokumente radi poređenja s kopijom koja je dostavljena uz ponudu, a s ciljem otklanjanja formalnog nedostatka dokumenta – se nije zahtijevalo.

Računskom kontrolom specifikacije ponude ponuđača JP „BH POŠTA“ d.o.o. Sarajevo konstatovano je da nema grešaka računске prirode.

Konstatovano da je ponuđač JP „BH POŠTA“ d.o.o. Sarajevo dostavio Potvrdu o primjeni preferencijalnog tretmana domaćeg.

Ugovorni organ dodjeljuje ugovor na osnovu sljedećeg kriterija: Najniža cijena (čl. 64. stav 1. tačka b) ZJN).

Tenderskom dokumentacijom je predviđena primjena e-aukcije, a obzirom da je pristigla samo jedna prihvatljiva ponuda, to se u skladu sa članom 3. stav (3) Pravilnika o uslovima i načinu korištenja e-aukcije (Sl. glasnik BiH broj 66/16) e-aukcija ne može zakazati, nego će se postupak okončati u skladu sa članom 69. stav (1) tačka a) Zakona o javnim nabavkama.

Vrijednost ponude ponuđača JP „BH POŠTA“ d.o.o. Sarajevo iznosi: **35.394,00 KM bez PDV-a.**

Komisija jednoglasno daje prijedlog Ugovornom organu da za pružanje usluga: „**Otprema pismonosnih pošiljki unutar BiH**“ – tender broj 135/20 donese Odluku o dodjeli ugovora ponuđaču: **JP „BH POŠTA“ d.o.o. Sarajevo, broj ponude: 263/21 od 20.01.2021. godine,** čija vrijednost ponude iznosi: **35.394,00 KM bez PDV-a.**

Iz gore navedenih razloga, ugovorni organ je prihvatio preporuku komisije i primjenom odredbi člana 64. stav (1) tačka b) Zakona o javnim nabavkama („Službeni glasnik BiH“ br. 39/14), donesena je Odluka o izboru najpovoljnijeg ponuđača kao u članu 1. ove odluke.

**Pouka o pravnom lijeku :**

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.

Dostaviti :

- Ponuđačima
- a/a



**v.d. Direktor**

Aida Pendek, dipl. ing. građ.